

四庫全書

集部

欽定四庫全書

元豐類藁卷五

宋 曾鞏 撰

古詩

送程公闢使江西

程侯昔使西山下金印出懷光滿把坐馳雷電破姦伏
力送春陽煦鰥寡袴襦優足徧里巷禾黍豐穰罄郊野
訟庭終日自虛曠德宇平生本瀟洒龍淵決水漲清沼

鳥背誅林開廣廈蒼顏擁檻四山出翠色橫欄大江瀉
掌平百里露州郭髮密千甍銜屋瓦雲裘數曲秀蘭蕙
鳳蓋相摩擢梧榭客來尚喜井投轄主禮寧論燭飛虵
三吳月出照金戟百越風來吹玉罕羽釵絕艷舞回雪
寶劒諸儒談炙輠一尊放意受天籟萬累回頭真土苴
我思飛步綴登躡又欲生綃乞圖寫身縻東觀願雖阻
目注漳門心豈捨過臨有幸破氛霧奮厲方欣入陶冶
齋航又自日邊去信節初從天上假舊邦往靖寄揮塵

新穀來輸付流馬遙知素譽在民口已有歡聲騰里社
卻尋泉石引幽士想憶沙塵笑勞者何當一解豫章榻
強賦土風令中雅

遊金山寺作

候潮動鳴舫出浦縱方舟舉箔見茲山巋然峙中流朱
堂出烟霧縹緲若瀛洲十年入夢想一日恣尋遊屐履
上層閣披襟當九秋地勢已瀟灑風颭更颺颺遠挹蜀
浪來旁臨滄海浮壺觴對京口笑語落揚州久聞神龍

伏况觀鷺鳥投行緣石徑盡却倚巖房幽頗諧雲林思
頽豁塵土憂昏鐘滿江路歸榜尚夷猶

自揚子渡以兩小舟夾引所乘

舟故云
方舟

答葛蘊

我初未識子已知子能文春風吹我衣暮召入九閭衆
中得子辭默許非他人方將引飛黃使出萬馬羣差之
在須臾氣沮不復論大明臨萬物我亦傍車塵相逢扶
桑側一揖意自親屈子果由我相示以無言同行千步

廊攬轡金馬門歸來客舍中未及還往頻東舟載子去
千里不逡巡今者坐甌越相望若三辰忽有海上使問
我及牆藩得子百篇作讀之為忻忻大章已逸發小章
更新清遠去筆墨畦徒識斧鑿痕想當經營初落紙有
如神勉哉不自止直可闢靈均我老未厭此持誇希代
珍朝吟忘日昃暮吟忘日曛發聲欲薦子自笑不足云

南湖行二首

二月南湖春雨多春風蕩漾吹湖波著紅少年里中出

百金市上裁輕羅插花步步行看影手中掉旗唱吳歌
放船縱櫂鼓聲促蛟龍擘水爭馳逐倏親忽遠誰可追
朝在西城暮南溪奪標得雋唯恐遲雷轟電激使人迷
紅簾彩舫觀者多美人坐上揚雙蛾斷瓶取酒飲如水
盤中白筍兼青螺生長江湖樂卑濕不信中州天氣和
東南溪水來何長若耶清明宜靚粧南湖一吸三百里
古人已疑行鏡裏春風來吹不生波秀壁如奩四邊起
蒲芽苻蔓自相依躑躅天桃開滿枝求羣白鳥映沙去

接翼黃鸝穿樹飛我坐荒城苦卑濕春至花開曾未知
蕩槳如從武陵入千花百草使人迷山回水轉不知遠
手中紅螺豈須勸輕舟短楫此溪人相要水上亦蒨裾
家住橫塘散時晚分明笑語隔溪聞

種牡丹

經冬種牡丹明年待看花春條始秀出蠹已病其芽柯
枯葉亦落重尋但空槎朱欄猶照耀所待已泥沙本不
固其根今朝謾咨嗟

西湖二月二十日

平生拙人事出走臨東藩
紛此獄訟地欣乘刀筆閒
漾舟明湖上清鏡照衰顏
春風隨我來掃盡冰雪頑
花開滿北渚水漲到南山
魚鳥自翔泳白雲時往還
吾亦樂吾樂放懷天地間
顧視彼誇者錙銖何足言

北湖

常時泛西湖已覺烟水永
北隄復誰開長涵一川靜
久幽繇地偏跬步人跡屏
我初得之喜指顧闢榛梗
種花

延妙香插柳待清影飛梁通兩涯結宇臨四境包羅盡
高卑開拓極壬丙洒然塵滓消恍爾心目醒與物振滯
淹如人出奇穎日携二三子杖履屢觀省念時方有為
衆智各馳騁獨此得逍遙固知拙者幸

百花隄

如玉水中沙誰為北湖路久翳荒草根未承青霞步我
為發其狂修營極幽趣髮直而砥平驂騑可馳騫周以
百花林繁霜泣清露間以綠楊陰芳風轉朝暮飛梁憑

太虛峽榭躡烟霧直通高城顛海岱歸指顧為州乏長
材幸歲足秔稌與衆飽而嬉陶然無外慕

芙蓉臺

芙蓉花開秋水冷水面無風見花影飄香上下兩嬋娟
雲在巫山月在天清瀾素礫為庭戶羽蓋霓裳不知數
臺上遊人下流水柱脚亭亭插花裏闌邊飲酒擢女歌
臺北臺南花正多莫笑來時常著屐綠柳牆連使君宅

秋懷二首

流水寒更澹虛牕深自明褰帷遠鐘斷擁褐晨香清油
然素心適緬彼外物輕因時固有應在理復何營隱几
公事退卷書坐南榮只茲遠塵垢何異山中情為州詎
非忝即事亮何成幸茲桑麻熟復示倉箱盈閭里凶黨
戢堦除囂訟清日携二三子飽食中園行念非形勢迫
免有彈弋驚幽閒固可樂勿慕高遠名

送李撰赴舉

湖水碧槐花黃山川搖落牕戶涼宿雲星稀日東出青

冥風高雁南翔華堂昨夜讀書客匹馬今朝遊大梁風
鈴拂塵見飛影把握驚人持夜光康衢四闢通萬里天
駟得地方騰驤我留東山意頗卓屏棄外慮無毫芒子
能相從味沖漠捉簞勿暫遲歸裝

送韓玉汝

春日城東送韓玉汝赴兩浙轉運以
池塘生春草園柳變鳴禽為韻得生

字

野岸漲流水名園分雜英旭景冠蓋集清談樽酒傾重
此臺省秀駕言江海行已喜懷抱粹况推材實精衆許

極高遠時方藉經營詎止富中廩固將澤東氓還當本
朝用不待芳歲更功名自茲始勿嘆華髮生

招隱寺

一徑入松下兩峯橫馬前攀援綠羅磴飛步蒼崖巔昔
人此嘉遯手弄朱絲絃想當林間月獨寫山中泉此樂
非外得肯受世網牽我亦本蕭散至此更怡然偏憐最
幽處流水鳴澣澣

延慶寺會景純正仲希道介夫明叟納涼同觀

建鄴宮中畫象翰林墨跡延慶寺者劉裕故宅

中有壽丘山

禪方壽丘山平昔宋公宅好風吹雨來暑氣一蕩滌我
與二三友歡言同几席神清軼埃壒趣合盡肝膈嶺竹
翠尚新水花紅可摘以此侑罇酒隕然岸巾幘建業舊
丹青金鑿餘翰墨綽約桃李顏迢遙龍虎跡緬矣霸王
業信哉文章伯感古已躊躇慕竒復嘆息泊無勢利心
自覺衿慮適起坐相板牽遲留日將夕

送豐稷

桃華染破南山青
漢江此時春水生
客舟相語人夜起
勁艣亂江羣雁聲
知君飄泊動歸思
告我舉裝千里行
閔材壯思風雨發
綠鬢少年冰雪清
讀書一見若經誦
下筆千言能立成
精微自得有天質
操行秀出存鄉評
嗟從薄祿困流滯
能誘鄙俗銷紛爭
絃歌躬勸士強學
田里堵安人力耕
嗟予據案但畫諾
遇事縮手方蒙成
雖知璞玉難強獻
欲挂塵榻空含情
歲寒不變迺知確

物理先否終當亨維舟且盡今夕語明日帆隨百鳥輕

不飲酒

不飲酒不善諧少年醒眼看花開況從多病久衰耗自
顧白髮垂毳毼縱遇花時少情思經春不曾銜酒杯布
穀但憂天雨少提壺謾聞山鳥催且坐蒲團紙牕暖兩
衙退後睡敦敦

初發襄陽攜家夜登峴山置酒

維舟沔南岸置酒峴山堂入坐松雨濕吹衣水風涼烟

嶺火明滅秋湍聲激揚乍釋塵垢累況餘燈燭光羊公
昔宴客為樂未遽央而我獨今夕攜家對壺觴頗適麋
鹿性頃驚清興長歸去任醅酹詎期誇阿强

高陽池

山公昔在郡日醉高陽池歸時誇醅酹更問并州兒我
亦愛池上眼明見清漪二年始再往一杯未嘗持念豈
公事衆又非筋力衰局束避世網低回紕塵羈獨慚曠
達意竊祿誠已卑

遊鹿門不果

方舟下秋瀨已遠漢南城念昔在郡日苦為塵網嬰低
心就薄祿實負山水情鹿門最發秀十里行松檉宿幌
白雲影入牕流水聲龐公昔抱道遯世此躬耕風雨塞
天地向晨獨先鳴故巖但聞說已覺醒朝醒及茲道途
出謂諧猿鶴迎顧值深寧阻獨憐幽思并不踏蘓嶺石
虛作襄陽行

漢廣亭

悠悠漢水長剡剡楚山密若與心目期爭從牕戶出太
守朴鄙人迂無適時術治民務不煩得意偷暇日北城
最憑高局促皆曠逸雲根辨毫芒鳥背臨律萃亦以樂
賓遊豈惟慰衰疾欲寄別後情嗟無少文筆

聞喜亭

聞喜名自昔廣亭臨漢津飛甍出萬屋地絕無纖塵盤
道城堞古遠林墟曲新靜覺耕釣勝幽宜鷗鷺馴賴此
荒僻郡幸容朴愚人閣鈴晝常寂齋釀寒更醇一罇且

勤設勿負頭上巾

劉景升祠

景升得二蒯坐論勝凶殘正當喪亂時能使憔悴寬綬
紛多士至肅穆萬里安能收衆材助圖大信不難諸公
龍鳳姿有待久盤桓得一固足興致之豈無端廼獨采
樗櫟不知取椅檀盖云器有極在理良足歎

隆中

志士固有待顯默非苟然孔明方微時息駕隆中田出

身感三顧魚水相後先開迹在庸蜀欲正九鼎遷垂成
中興業復漢臨秦川平生許與際獨比管樂賢人材品
目異自得豈虛傳

蔡州

蔡州昔人居遺堵不可尋青石久埋沒荒烟起空林昔
人依劉表意氣傳至今廣路競朱轂深藏閔黃金構難
琦琮間咎責積已深終貽覆宗累苟得非所欽為惡理
當爾足懲誇者心

谷隱寺

峴南衆峯外，窅然空谷深。
丹樓倚碧殿，負出道安林。
習池抱鄰曲，虛牕漱清音。
竹靜幽鳥語，果熟孤猿吟。
故多物外趣，足慰倦客心。
但恨絀塵羈，無繇數追尋。

萬山

萬山臨漢臯，峰嶺頗秀發。
王繁舊留居，處荒草久埋沒。
解佩蓋已迷，沈碑終自伐。
最宜北城望，正值氛藹歇。
縹緲出烟雲，清明動毛髮。
留連至歸時，長見西林月。

題張伯常漢上茅屋

遠出清漢上，隱然一隄長。
槐柳若雲布，連陰入虛堂。
架險注鳴溜，分畦殖羣芳。
豈惟富桑柘，蓋亦餘倉人。
事幽屏不願尚書郎，即此狗高志。
風騷恣徜徉，強起迫義重。
還歸直明光，清風凜然在素壁。
盈文章，故栖勿回眄。
黃鵠本高翔。

移守江西先寄潘延之節推

憶昔江西別子時，我初折腰五斗粟。
南北相望十八年。

俯仰飛光如轉燭子遺萬事遂恬曠我繫一官尚局促
早衰膽氣自然薄多病顛毛那更綠人情畦畛阻肝膈
世路風波悖心目每嗟太守兩朱輪寧及田家一黃犢
幸逢懷紱入斗牛喜得披山收寶玉薄材頑鈍待磨琢
舊學搶攘期反覆雲鴻可近眼先明野鹿尚縻顏自忸
長鬚幸未阻誨存下榻應容拜臨辱

漢陽泊舟

暫泊漢陽岸不登黃鶴樓江含峩岷氣萬里正東流驚

風孤鴈起蔽日寒雲浮祇役雖遠道放懷成薄游興隨
滄洲發事等魚樵幽烟波一尊酒盡室載扁舟

鄧口

昔與宜興
君同過此

我行去此二十年鄧水不改流潺湲風光滿眼宛如昨
故人乘鸞獨騰騫今人隨我不知昔我記昔遊何處言
淚向幽襟落如瀉况聞江漢斷腸猿

促促為物役

促促為物役區區追世情但嗟束縛急未覺章綬榮奈

此兩鬢白顧無一廛耕所求亦云幾脫粟與藜羹

鴻鴈

江南岸邊江水平水荇青青渚蒲綠鴻鴈此時儔侶多
亂下沙汀恣棲宿羣依青荇唼且鳴煖浴蒲根戲相逐
長無矰繳意自閒不飽稻粱心亦足性殊凡鳥自知時
飛不亂行聊漸陸豈同白鷺空潔白俛啄腥汙期滿腹

喜晴

天晴萬里無纖風江平水面磨青銅光華逸發萬物上

精氣負與扶桑通我行江漢道苦惡十步九折遺西東
况遭積雨駕高浪沙翻石走相撞舂操舟衆工立噤岸
濕櫓鑽火磨星紅荒蹊成蹠尺寸礙永日四望無人蹤
一時得意數蛙黽鳴躍振踞泥塗中陰消陽勝有先兆
宇宙丹翠含冲融今晨霾曠一掃蕩羲和徐行驅六龍
眼明意豁萬事快預喜來年甦麥豐

訓王正仲登嶽麓寺閣見寄

聞君東南使攬轡雲松間皇華照楚甸吉玉投衡山幽

尋得臨觀意豁窮
躋攀顧我客牛斗
三年疎往還低心
念弱志引領望衰
顏未共尊酒樂良
嗟人事艱叱馭犯
冰雪迴鑣馳九關
何足慰離思德音
鏘佩環

訪石僊巖杜法師

杜君袖銜丹砂書
一顧訶斥百恠除
聲如翻河落天衢
四方爭迎走高車
方瞳秀貌白髮垂
買船東南尋舊居
石巖天開立精廬
四山波瀾勢爭趨
君琴一張酒一壺
笑談衮衮樂有餘
我今歸來尚踟躕
羨君決發真丈夫

曉出

曉出城南羅卒乘
皐纛采旗密相映
貔貅距躍良家子
鶴鶴彌縫司馬令
奪標一一飛步疾
槃槃兩兩翻身勁
灞上今朝且兒戲
衛青異日須天幸

和貢甫送元考不至

蓬山有行客欲上北城舟
學問本閎博言談非謬悠
常陳帝王略得試紫雲樓
一時驚豪捷况復富春秋
朋遊所欣附爭欲致綢繆
承明動鄉思歲久道苦修
忽懷淄

川組夙昔願始酬出餞集信侶清歡期少留酒闌竟不
至睽睽久臨流微我獨有咎此詩聊可求

京師觀音院新堂

九衢言語亂人耳三市塵沙眯人目猿狙未慣裹章綬
魚鳥寧忘慕谿谷悵無棲宿在清曠欲弄潺湲愈煩燠
道人誰氏斥佳境決漢披霄敞華屋駢羅嶷嶷三秀石
叢迸娟娟兩脩竹雲蒸雨泄被巖壑海倒河垂動林麓
頓驚俯仰遠翳濁豈直形骸擺羈束解衣堅坐暝忘返

飲水清談心亦足丈夫壯志須坦蕩曲士陰機謾翻覆
青鞋赤舄偶然爾安用區區巧追逐

元豐類蒙卷五

欽定四庫全書

元豐類藁卷六

宋曾鞏撰

雜詩

郊祀慶成

并進狀

右臣伏以皇帝陛下嗣位之初郊見上帝聖意重慎齋
潔謹嚴始就帷宮則獨先羣臣宵興待事及至壇場則
陟降陞級徹去裊藉至於薦獻之際則又端立以須不

肯即安退就便次所以至誠兢兢如此故得天地祖宗
眷顧臨享華夷蠻貊觀聽欣喜惟初積陰久而未解及
輅車既駕則天宇湛然日光明潤可謂能得使之主祭
而百神享之福合於天且不違之聖宜有歌頌被於聲
律臣與在館閣以文字為職不敢以菲薄自止謹作五
言郊祀慶成詩一首凡一百二十字干冒宸嚴臣無任
惶恐激切屏營之至謹隨狀上進以聞

詩

即昨謳歌後欽柴禮數新盛容超曠代樂貢盡殊隣宿
戒臨行殿宵興絕衆臣立須空便次步進却柔裯外物
雖多品天心在一純高靈終享德羣望亦依仁暗藹如
無間遲延若可親欲知精意答預覩太和臻積曠沈遙
甸浮陽上綺園霽雲生斐亶愛景駐逡巡厚慶歸清廟
餘釐及兆人還宮動前蹕喜氣入韶鈞

仁宗皇帝挽詞三首

納諫終無忤知人久更明恩波通四海壽域載羣生異

俗衣裳會諸儒雅頌聲威靈空想象盛德詎能名

日轉歸人外天移入畫中
晁旒餘澤在警蹕舊儀空
卜宅三州繞方喪萬里通
初寒石門路松檜颭悲風

滄海難回日青雲如送春
服喪三月徧過樂四夷均
感格英靈在褒揚大號新
依然社稷計王業付真人

英宗皇帝挽詞二首

已應南陽氣猶遲代邸來
範鎔歸獨化綱理付羣材
禹會方無外虞巡遂不回
空驚栢城仗蕭鼓送餘哀

繼文猶旦暮歸啟已謳吟畫手傳英氣書筠見德音鑄
銅餘故鼎喙草付春禽試望橋山路蕭蕭翠栢深

慈聖光獻皇太后挽詞二首

并進狀

右臣伏以
大行皇太后在位四十有七年身處宮闈聰
明慈恕恭儉之德見於天下洽於衆論在仁宗時有輔
佐相成之道在先帝及陛下之日非特始終孝愛兩義
俱隆實有援立鎮撫之大功在先帝之世從權當國既
而還政以時明識獨見出處應理自二帝三代秦漢以

來母后功德未有巍巍如此奄盡大期羣情痛怛陛下
執喪哀慕外雖易月內盡至性報復大恩誠禮備極蓋
從古所未聞今山陵有日臣愚淺薄無以自効謹撰成
大行皇太后挽詞二首繕寫上進臣無任悲哀感咽之
至謹具狀奏聞謹狀

詩

祖烈鷹揚終食冀家聲泉湧舊興譙人倫風化歸三世
王室功勞屬兩朝長信深嚴餘羽衛闕宮崇大列宗桃

衣冠籍籍談遺事不盡鴻名對永昭

山河德履孚潛顯江漢仁風被邇遐已輔乾坤成化育
終符日月繼光華和熹未寤還威柄明德猶疎抑外家
欲次徽音難髣髴空餘流恨入哀茄

送英州蘓秘丞

遠民歌舞戴昇平碧閣朱樓照眼明鄉饌雨餘收白蕈
客罇秋後對紅英瀧鳴真水遙通海路入南山不隔城
材術如君有餘暇出遊應數擁雙旌

送陳郎中還京兼過九江新宅

艤舟金碧照溪沙，帆上風吹五兩斜。
罷郡紫泥催向闕，過江紅旆引還家。
因將舊社人攜酒，應喜新林樹見花。
莫作山齋久留意，中臺虛位有清華。

遣興

青燈鬪鼠窺寒硯，落月啼烏送遠笳。
江漢置身貧作客，溪山合眼夢還家。
百憂忽忽丹心破，萬事悠悠兩鬢華。
誰與健帆先度鳥，更無留滯向天涯。

楚澤

楚澤荒涼白露根
盈虛無處問乾坤
蟲蟲旱氣連年有
寂寂遺人幾戶存
盜賊恐多從此始
經綸空建與誰論
諸公日議雲臺上
忍使憂民獨至尊

西亭

團扇頻揮到此亭
他鄉愁坐思冥冥
空羞避俗無高節
轉覺逢人惡獨醒
歲月淹留隨日老
乾坤狼狽幾時寧
欲知世事今何似
萬里波濤一點萍

盆池

環環清泚旱猶深
柄柄芙蓉近可尋
蒼壁巧藏雲影入
翠奩微帶蘚痕侵
能供水石三秋興
不負江湖萬里心
照影獨憐身老去
日添華髮已盈簪

羈遊

簾飯寒齏且自如
欲將吾道付樵漁
羈遊事事情懷惡
貧病年年故舊疎
自古幸容元亮醉
凡今誰喜子雲書
何由得洗塵埃盡
恣買滄洲結草廬

南軒竹

密竹娟娟數十莖
旱天瀟洒有高情
風吹已送煩心醒
雨洗還供遠眼清
筍巧穿苔石去碎
陰微破粉牆生
應須萬物冰霜後
來看琅玕色轉明

浮雲樓和趙嘏

萬里聊供遠眼開
簷前不盡水聲哀
朝雲尚拂陽臺去
羽獵曾圍夢澤來
解帶欲留長日坐
傾壺難飲故人杯
遭窮萬里飄萍內
到此登臨更幾回

照影亭

河流縈檻色輝輝無數幽禽入鏡飛已映渚花紅四出
更涵沙柳翠相圍不欺毫髮公雖有太盡妍媸道恐非
自笑病容隨步見未衰華髮滿淄衣

晚望

蠻荆人事幾推移舊國興亡欲問誰鄭袖風流今已盡
屈原辭賦世空悲深山大澤成千古暮雨朝雲又一時
落日西樓憑檻久閒愁唯有此心知

書閣

自憐野性生來拙誰許交情晚最親
世路因仍憂檻穽他鄉衰暮傍風塵
惟將菽藿還求志未有秋毫可為人
一畝蕭然須暫得欲偷閒日長精神

贈彈琴者

至音淡薄誰曾賞古意飄零自可憐
不似秦箏能合意滿堂傾耳十三弦

寄孫正之

貌癯心苦氣飄飄長餓空林不可招能舉丘山惟筆力
可磨雲日是風標詩篇綴緝應千首學術窺尋豈一朝
耳冷高談經歲遠江南春動雪還消

秋日感事示介甫

秋日氣已盛陰蟲朝暮聲煙雲斷溪樹風雨入山城沙
磧有遺寇旌旗多遠行生民苦未息吾黨恥論兵

簡翁都官

倦遊公府曳長裾笑上扁舟指舊廬自有文章真杞梓

不須彫琢是璠璣浮蛆滿甕嘗春酒垂露臨牕理素書
況得君賓同壯節一鄉清問更誰如

陳祁秀才園亭

眼無塵土境殊清一繞芳蹊病體輕煙樹疑從古畫見
水軒真在碧天行君能極巧安山勢我欲忘歸聽竹聲
只恐主人難住此弟兄佳行滿鄉評

上杜相公

水為舟楫旱為霖社稷生民注意深豈謂便辭黃閣議

翻然求就紫芝吟始終好古儒林士進退憂時國老心
只為功名隨日遠不令空被管絃音

胡太傅挽詞二首

謹言留簡冊恭德載閨門福履三朝盛官儀一品尊九
原無復起萬事付誰論不必諸儒記清名久自存
遠畧參基命雄文入典章輶車俄就路瑞節始還鄉象
物陳虛寢哀歌寄奠觴惟應九原上松檜日蒼蒼

訓材叔江西道中作

枉渚荒源百里間草根輕燒舊痕乾
入陂野水冬來淺對樹諸峯雪後寒
塢笛最宜風外聽嶺梅初得醉中看
行尋故友心無事不覺西遊道路難

送雙漸之漢陽

楚國封疆最上流夾江分命兩諸侯
何年南狩牙樞出六月西來雪浪浮
夏口樓臺供夕望秦川風物待春遊
可能頻度漁陽曲不負當年鸚鵡洲

孔明

稱吳稱魏已紛紛渭水西邊獨漢臣
平日將軍不三顧尋常田里帶經人

閒行

草軟沙勻野路晴竹枝烏帽稱閒行
烏啼綠樹穿花影風出青山送水聲
轉覺所憂非已事儘從多難見人情
閒中我樂人應笑忙處人爭我不爭

贈安禪懃上人

詎知蕭洒吾廬舊却有高明此寺隣
水竹迸生剛節老

秋山過抱翠嵐新
惟憐李子歸來困
自笑原思久更貧
深識幽人風義厚
掃軒開榻最相親

贈護仁監院

人貧舉世今為甚
僧事新年始更多
食糲衣穿雖擾擾
構虛基險自我誅
茅改築君初有
繫馬長吟我暫過
但覺滿山金碧澗
不知誰到為烟蘿

送覺祖明上人

冠石新墻日月回
豐堂環殿起崔嵬
鐘隨秋勢金聲壯

金谷先生集卷六
佛隱寒雲玉坐開
流水遠奔雙澗去
平林高擁四山來
麒麟細草東南路
一望松門意自哀

謁李白墓

世間遺草三千首
林下荒墳二百年
信矣輝光爭日月
依然精爽動山川
曾無近屬持門戶
空有鄉人拂几筵
顧我自慚才力薄
欲將何物弔前賢

送撫州錢郎中

名郎原是足風流
得郡東南地更幽
翠幕管絃三市晚

畫堂煙雨五峯秋
黃柑巧綴星垂檻
香稻勻翻雪滿甌
應與謝公資健筆
邦人才薄詎能酬

送王汝使兩浙

使傳東馳下九天
此邦曾屈試鳴絃
仁聲又向新年入
惠澤猶為故老傳
翠巘煙雲生席上
滄溟風雨到樽前
經營智畧多餘暇
賞讌誰酬白雪篇

丁元珍挽詞二首

翰墨金聲遠神情
玉氣溫節廉貧愈
見風義老彌惇舊

學資詳正新儀屬討論誰憐一麾出終不反修門
從軍玉粲筆記禮后蒼篇謾有殘書在能令好事傳鵬
來悲四月鶴去遂千年試想長橋路昏昏隴隧煙

簡景山侍御

長年心事最相親一笑相踈忽數旬柏府地嚴方許國
芸臺官冷但容身饑腸漫竊公厨膳病髮難堪客舍塵
還有鹿門棲宿興想君他日肯為隣

送李莘太傅

邽道鳴絃去容臺抱絕初塵沙開祖帳冰雪映征車久
待連城價誰騰一鸚書君王覽豪俊應復召嚴徐

遊天章寺

籃輿朝出踏輕塵拂面毵毵柳色新曲水豈能留往事
南湖空解照行人最宜靈運登山屐不負淵明漉酒巾
老去飄零心未折暫須同醉海邊春

送闕彥遠

莫辭為我百分飲從此送君千里行物情簪履尚須念

人道交親那可輕
渚梅江柳弄佳色
林鳥野蜂吟好聲
對之但醉餘可置
明日此杯誰共傾

送關彥遠赴江西

食藥飲水廉士操
敝衣穿履古人風
溪堂興足登臨後
塵世今歸嘯傲中
一榻高懸賓閣峻
二龍俱化縣池空
因過勝境須行樂
驛召方當急詔東

西園席上

省閣名郎國羽儀
瀛洲仙客衆蒼龜
山蹊向日花開早

海嶠經寒酒熟遲下榻笑談紅旆偃引觴醒醉玉釵隨
唯慙別乘踈頑甚滿足塵埃更有詩

送孫穎賢

在秦州

穰穰秦州鐵馬羣青衫吾子仕猶屯高談消長才驚世
藐視公侯行出人古氣欲遵奔日月畏途曾觸滯荆榛
明夷夬決應斟酌自向窮通有屈伸

送鄭州邵資政

江夏無雙譽菑川第一才笑談成黼藻咳唾落瓊瑰紫

氣鋒鋌露青冥羽翼開雋遊追幙府高步集蓬萊探討
篇章洽研磨術業該九霄新漢邸萬目注梁臺選擇真
儒用招廷急詔催衣冠驚角綺賓友重鄒枚每右橫經
席寧虛置醴杯八荒披日月萬里散雲雷始去東山榜
俄參北斗魁廟堂奇計得羗虜驚心摧帝念人求舊朝
須汝作梅避榮言屢切請外志難回際海歸計畧連吳
入剡裁夕冰承命出畫錦過鄉來許國風猷壯容民宇
量恢節旄恩換鎮京室地稱陪賜覲親中宸通班接上

台壺漿空度消公位在三槐

看花

春來日日探花開
紫陌看花始此回
欲賦妍華無健筆
擬酬芳景怕深杯
但知抖擻紅塵去
莫問鬢髻白髮催
更老風情轉應少
且邀佳客試徘徊

會稽絕句三首

花開日日去看花
遲日猶嫌影易斜
莫問會稽山外事
但將歌管醉流霞

花開日日插花歸酒盞歌喉處處隨不是心閒無此樂
莫教門外俗人知

年年穀雨愁春晚況是江湖兩鬢華欲載一尊乘興去
不知何處有殘花

送任達度支監嵩山崇福宮

漢陽門下士車騎幕中賓志節初皆壯風流久更新樞
庭承遠派郎位襲清塵雅淡琴聲古溫純玉性真詩書
來射策慈惠起臨人淮海褰帷久褰斜叱馭頻政平無

橫吏刑省絕寃民汴路揚旌出吳門擁節巡持權心似
水待物氣如春懋德垂承詔遺榮遽乞身行高寧繫俗
道勝不憂貧北絕分琳館西歸近紫宸鴻飛開羽翼驥
逸露精神却理煙霞宅重尋水石鄰青嵩銷鶴怨碧落
見鷗馴故友欣聯壁諸儒慕塾巾學兼鴻寶異興與赤
松親激勸留方冊驚傳動縉紳浮雲雖抗意反席正逢
辰祇恐尊廉退丁寧致軟輪

送趙資政

好問逢真主能言邁古風
犯顏天意沃造膝衆情通
彈治心忘勢澄清詛匪躬
朝廷推指佞都邑避乘驄
白簡威方厲青規遇更隆
析符霄漢上開幕斗牛中
里聚追胥息階庭訟鉅空
紀綱官特峻帷幄地彌崇
吏治連城肅倉儲絕塞充
錦官清鎮俗玉壘靜臨戎
膏澤涵荒阻春陽煦滯窮
鈞衡求雋望龜筮協淵衷
間出千齡合平居一德同
股肱康事力舟楫濟川功
遠大經綸畧精微獻替忠
夕冰分外閭畫錦過江東
比戶仁聲入提封喜

氣融信深銷衆偽明盛破羣蒙正洽謳歌美俄更節制
雄保民追呂尚分土繼逢公溜水移幢碧牛山駐旆紅
魚鹽方舸集綺繡萬箱叢少憩驅千騎行歸冠百工袞
衣天下詠豈獨是空侗

過高士坊

一畝蕭然絕世喧抗懷那肯就籠樊功名晚更為餘事
蓄異初嘗出至言郡閣已空徐孺榻里人猶識鄭公門
斯文未喪如繇我後代當知李仲元

餘杭久旱趙悅道入境之夕四郊雨足二首

連章天上乞身閒笑入吳船擁節還一夜風雷驅旱魃
始知霖雨出人間

旌旗東下路塵開六月風雲席上回正恐一方人暍死
直將霖雨過江來

錢塘上元夜祥符寺陪咨臣郎中文燕席

月明如畫露華濃錦帳名郎笑語同金地夜寒消美酒
玉人春困倚東風紅雲燈火浮滄海碧水樓臺浸遠空

白髮蹉跎歡意少強顏猶入少年叢

送沈諫議

東南經濟得時英方底除書下漢廷將幕鼓旗驚白晝
諫垣冠劔動青冥指撝甌越歸談笑鎮壓江吳出醉醒
金鼎鹽梅須大用九霄應已夢儀形

訓王徽之汴中見贈

黃流渾渾來沙際佳氣恩恩近日邊河漢槎雖通遠客
蓬萊風未縱歸船山城劇飲銷紅燭水驛高吟劈彩牋

老去相逢情自密不關清賞合留連

寄鄆州邵資政

蒙問散邑山水之景見索新詩
重意之辱謹吟二百字上寄

鈎筆讎書客朱轡守土臣
素餐方側席黃髮已侵巾
喜有山圍郭仍憐水滿津
清華閒耳目蕭洒長精神
秀色秋來重寒聲雨後新宿雲
依戶牖流月過松筠
北圃分殊境西湖斷俗塵
渚花紅四出沙鳥翠相親
芡老含珠實魚驚躍錦鱗
飛梁凌宵眇虛榭壓齋淪
嶺對橫修竹洲分抱白蘋
靜宜人事拙閒覺道腴真
器小難周物官

微幸庇身簿書偷暇日杖屨想幽人沂險飛遊艇探奇
漾釣緡形縻甘鶴怨心泰得鷗馴督府恩容久芳牋訊
問頻門庭嚴衛戟尊俎從華紳却起煙霞興還思水石
鄰自嗤田父樂那可薦鴻鈞

和邵資政

拂衣久欲求三徑竊食聊須把一麾世路賤貧從所好
老年胃臆固無奇樊籠偶得滄洲趣蕪黷難醅白雪辭
督府繇來恩禮厚每容商也與言詩

和孔教授

治煩方喜衆材同坐嘯南陽郡閣中几案有塵書檄簡
里閭無事稻糧豐衣冠濟濟歸儒學俎豆詵詵得古風
幸屈異能來助我敢將顏色在蜚鴻

喜雪二首

欲休還舞任風吹斷續繁雲作陣隨已塞茅蹊人起晚
更迷沙渚鳥飛遲混同天地歸無跡潤色山川入有為
太守不辭留客醉豐年佳兆可前知

雜雨零初急因風洒更狂英華傾月窟光氣瀉天潢宛
轉花飛密紆餘舞態長化財隨大小成器任圓方秀已
滋山國清尤助水鄉色嚴齊上下明盛析毫芒潤屋情
誇誕埋輪興激昂收功歸澤物全德在包荒預喜倉箱
富潜知海嶽康蕭晨迎賀客歌吹趣傳觴

雪後同徐祕丞皇甫節推孔教授北園晚步

沙草正黃瀕海意江梅還白故園情循除遠水春前急
繞郭空山雪後明林影易斜寒日短角聲吹去暮雲平

最慙佳客忘形契肯伴衰翁著屐行

郡齋即事二首

畫戟森門寵誤蒙從來田舍一衰翁困倉穰穰逢康歲
閭里恂恂有古風閻氏宿奸投海外伏生新學始山東
時大奸周高投海島而學校講說尚書依然自昔興王地長在南陽佳氣

中

滿軒山色長浮黛繞舍泉聲不受塵四境帶牛無事日
兩衙封印自繇身白羊酒熟初看雪黃杏花開欲探春

總是濟南為郡樂更將詩興屬何人

憶越中梅

浣沙亭北小山梅蘭渚移來手自栽今日舊林冰雪地
冷香幽艷向誰開


再賦喜雪

六花飛舞勢踰躔點綴寒林態更妍山險龍蛇盤鳥道
野平江海變畬田人狂奔月非關夜馬健乘雲別有天
况值白羊新酒熟可能相就慶豐年

寄致仕歐陽少師

四海文章伯三朝社稷臣功名垂竹帛風義動簪紳此
道推先覺諸儒出後塵忘機心皎皎樂善意諄諄大畧
才超古昌言勇絕人抗懷輕紱冕滙懇謝陶鈞耕稼歸
莘野畋漁返渭濱五年清興屬一日壯圖伸北闕恩知
舊東宮命數新鸞凰開羽翼驥馭放精神曠達林中趣
高閒物外身揮金延故老置驛候嘉賓主當西湖月勾
留潁水春露寒消鶴怨沙靜見鷗馴酒熟誇浮蟻書成

感獲麟激昂疏受晚冲淡赤松親龍卧傾時望鴻冥聳
士倫少休均逸豫獨往異沉淪策畫咨詢急儀型屬想
頻應須協龜筮更起為生民



元豐類藁卷六

欽定四庫全書

集部

元豐類藁卷

七至九

詳校官庶吉士臣張溥

檢討臣何思鈞覆勘

總校官降調編修臣倉聖脉

校對官編修臣曹錫齡

謄錄監生臣呂長生

欽定四庫全書

元豐類藁卷七

宋 曾鞏 撰

雜詩

冬夜即事

印奩封罷閣鈴閒
喜有秋毫免素餐
市粟易求倉廩實
邑龙無警里閭安
香消一榻氍毹暖
月澹千門霧凇寒
聞說豐年從此始
更回龍燭卷簾看

齊寒甚夜氣如霧
凝於木上旦起視

之如雪日出飄滿階庭尤為可愛齊人謂之霜滋
諺曰霜松重霜松窮漢置飯甕以為豐年之兆

訓介甫還自舅家書所感

旱氣滿原野子行歸舊廬
天高未動望歲了何如荒
土欲生火涸溪容過車民
期得霖雨吾豈灌園蔬

西湖二首

左符千里走東方喜有西湖
六月涼塞上馬歸終反覆
泰山鵲飽正飛揚懶宜魚
鳥心常靜老覺詩書味更
長
行到平橋初見日滿川風
露紫荷香

湖面平隨葦岸長
碧天垂影入清光
一川風露荷花曉
六月蓬瀛燕坐涼
滄海桴浮成曠蕩
明河槎上更微茫
何須辛苦求人外
自有仙鄉在水鄉

早起赴行香

枕前聽盡小梅花
起見中庭月未斜
微破宿雲猶度鴈
欲深烟柳已藏鴉
井轆聲急推寒玉
籠燭光繁秉絳紗
行到市橋人語密
馬頭依約對朝霞

席上

市井蕭條烟火微
兩衙散雪夜深時
若無一曲傳金盞
爭奈衰翁兩鬢絲

和陳郎中

材薄安時甘寂寞
身閒乘興喜登臨
每尋香草牽狂思
曾向幽蘭費苦吟
明月幾人非
按劍高山從古少
知音數篇清絕
賡歌意默見
馮唐異俗心

雪後

雪景鮮妍猶弄色
柳條葱蒨已抽萌
風光冉冉流雙轂

人事悠悠寄一枰射羿未應今獨有嘲雄何必史能評
且將畫諾供談笑更選名園載酒行

舜泉

山麓舊耕迷故壟井幹餘汲見飛泉清涵廣陌能成雨
冷浸平湖別有天南狩一時成往事重華千古似當年
更應此水無休歇餘澤人間世世傳

閱武堂

五朝坏冶歸皇極萬里車書共太平朔馬不窺光祿塞

漢家常隸羽林兵柳間自詫投壺樂桑下方安佩犢行
高枕四封無一事腐儒何幸偶專城

環波亭

水心還有拂雲堆日日應須把酒杯楊柳巧含烟景合
芙蓉爭帶露華開城頭山色相圍出簷底波聲四面來
誰信瀛洲未歸去兩州俱得小蓬萊

鵲山亭

大亭孤起壓城顛屋角峨峨挿紫煙灤水飛綃來野岸

鵲山浮黛入晴天少陵騷雅今誰和東海風流世謾傳
太守自吟還自笑歸時乘月尚留連

芍藥廳

小碧闌干四月天露紅煙紫不勝妍肯為雲住陽臺女
恐逐風飛石室仙浦外送歸情放蕩省中番直勢拘攣
何如蕭洒山城守淺酌清吟濟水邊

水香亭

臨池飛構鬱岩堯櫺檻無風影自搖羣玉過林抽翠竹

雙虹垂岸跨平橋頻依美藻魚爭餌清見寒沙水滿橈
莫問荷花開幾曲但知行處異香飄

靜化堂

修簷轍轍背成陰行盡松篁一徑深好鳥自飛還自下
白雲無事亦無心客來但飲平陽酒衙退常攜靖節琴
世路人情方擾擾一遊須抵萬黃金

仁風廳

凜凜風生寄此堂塵埃消盡興何長朱絲鼓舞逢千載

白羽吹揚慰一方已散浮雲滄海上更飛霖雨泰山傍
誰知萬物心焦日獨對松筠四座涼

閱武堂下新渠

方渠新鑿北林開流水遙經畫閣來洗耳厭聞誇勢利
濯纓羞去傍塵埃不憂待月供詩筆已欲看花泛酒杯
却憶虎谿橋上過夜涼臨砌尚徘徊

凝香齋

每覺西齋景最幽不知官是古諸侯一尊風月身無事

千里耕桑歲有秋
雲水醒心鳴好鳥
玉沙清耳漱寒流
沉烟細細臨黃卷
疑在香爐最上頭

北渚亭

四楹虛敞地無鄰
斷送孤高與使君
午夜坐臨滄海日
半天吟看泰山雲
青徐氣接川原秀
常碣風連草木薰
莫笑一尊留戀久
下階塵土便紛紛

芙蓉橋

鴈翅橫連杜若洲
碧闌干影在中流
蓬萊日日遊人到

誰道僊風解引舟

百花臺

煙波與客同尊酒風月全家上采舟
莫問臺前花遠近試看何似武陵遊

次道子中書問歸期

竊食東州歲未期蓬萊人問幾時歸
凭闌到處臨清泚開閣終朝對翠微
兩印每閒軍市靜雙旌多偃送迎稀
一枝數粒身安穩不羨雲鵬九萬飛

霧松

園林初日靜無風
霧松花開處處同
記得集英深殿裏
舞人齊插玉龍鬢

正月六日雪霽

雪消山水見精神
滿眼東風送早春
明日杏園應爛漫
便須期約看花人

寄顧子敦

清曠亭邊雁欲回
南湖分浪入城來
空山過臘猶藏雪

野岸先春已放梅三徑未歸聊自適一尊尋勝每同開
如今試想長松下玉塵高談豈易陪

二月八日北城閒步

土膏初動麥苗青飽食城頭信意行便起高亭臨北渚
欲乘長日勸春耕

詠柳

亂條猶未變初黃倚得東風勢便狂解把飛花蒙日月
不知天地有清霜

北園會客不飲

畫橋南北水西東
高下花枝綠間紅
殢得春風人盡醉
獨醒誰似白頭翁

西湖納涼

問吾何處避炎蒸
十頃西湖照眼明
魚戲一篙新浪滿
鳥啼千步綠陰成
虹腰隱隱松橋出
鷁首蒹葭畫舫行
最喜晚涼風月好
紫荷香裏聽泉聲

喜雨

偶徇一官偷祿計便懷千里長人憂桑間舉箔蠶初繭
隴上揮鎌麥已秋更喜風雷生北極頓毆雲雨出靈湫
從今菽粟非虛禱會見甌窶果滿篝

雨後環波亭次韻四首

次李秀才得魚字韻

候月已知星好雨卜年方喜夢維魚從今撥置庭中事
最喜西軒睡枕書

次綰得風字韻

荷芰東西魚映葉樵舟朝暮客乘風
清泉雨後分毛髮
何必南湖是鏡中

次維得禽字韻

黃蜀葵開收宿雨紫桑椹熟轉新禽
看花弄水非無事
猶勝紛紛別用心

次維得花字韻

丹杏一番收美實綠荷無數放新花
西湖雨後清心目
坐到城頭泊暝鷗

去年久旱六月十三日入境得雨今年復旱得
雨亦六月十三日也

去年六月焦原雨入得東州第一朝今日看雲舊時節
又來農畔聽蕭蕭

到郡一年

薄材何幸擁朱軒竊食東風已一年隴上雨餘看麥秀
桑間日永問蠶眠官名雖冗身無累心事長閒地自偏
祇恐再暮官滿去每來湖岸合留連

孔教授張法曹以曾論薦特示長牋

綠髮朱顏兩少年出倫清譽每相先
壁中字為時人考
北土書從老父傳
泮水笑談邀法飲
高臺閒燕屬佳篇
衰翁厚幸懷雙璧
更起狂心慕薦賢

酬強幾聖

俯仰林泉繞舍清
經年閒卧濟南城
山田雨足心無事
水榭華開眼更明
新霽煙雲飛觀出
晚涼歌吹畫橋橫
寄聲裴令樽前客
祇欠高談一座傾

人情

人情當面蔽山丘誰可論心向白頭天祿閣非真學士
玉麟符是假諸侯詩書落落成孤論耕釣依依憶舊遊
早晚抽簪江海去笑將風月上扁舟

寄王樂道

荊州南走困塵埃應喜文章意自開明世正逢多事日
要塗須用出倫材不回霜雪天應惜未得風雲衆忍摧
若向沙頭弔杜甫近詩懸望自書來

戲書

集賢自笑文章少為郡誰言樂事多
報答書題親筆硯
逢迎使客聽笙歌
一心了了無人語
兩鬢蕭蕭奈老何
還有不隨流俗處
秋毫無累損天和

贈張濟

憶初蘭渚訪沈淪
一畝蕭然里舍貧
節行久窮彌好古
文章垂老更驚人
詩書就我論新意
冠劍投誰拂舊塵
山驛荒涼煩枉道
一觴相屬莫嫌頻

北渚亭雨中

振衣已出塵土外
卷箔更當風雨間
泉聲漸落石溝澗
雲氣迴壓金輿山
寒沙漠漠鳥飛去
野路悠悠人自還
耕桑千里正無事
況有罇酒聊開顏

送趙資政

鎮撫西南衆望傾
玉書天上掇持衡
春風不覺岷山遠
和氣還從錦水生
學舍却尋餘教在
棠郊應喜舊陰成
歸來促召調鑪冶
莫為兒童竹馬迎

趵突泉

一派遙從玉水分
暗來都洒歷山塵
滋榮冬茹溫常早
潤澤春茶味更真
已覺路傍行似鑑
最憐沙際涌如輪
曾城齊魯封疆會
况託娥英詫世人

金絲泉

玉甃常浮灝氣鮮
金絲不定路南泉
雲依美藻爭成縷
月照靈漪巧上弦
已繞渚花紅灼灼
更繁沙竹翠娟娟
無風到底塵埃盡
界破冰霜一片天

北池小會

笑語從容酒慢巡
笙歌隨賞北池春
波間鏤檻花迷眼
沙際朱橋柳拂人
金縷暗移泉溜急
銀簧相合鳥聲新
幸時無事須行樂
物外乾坤一點塵

送韓廷評

謝庭冠蓋舊追尋
僻郡相從喜更深
進道由來輕拱壁
傳經知不羨羸金
騶要試風沙遠
竹柏須忘霰雪侵
別後壯懷應努力
白頭傾耳聽徽音

寄孫莘老湖州墨妙亭

隆名盛位知難久，壯字碑豐亦易忘。
棗木已非真篆刻，色絲空喜好文章。
峴山漢水成虛擲，大廈深簷且秘藏。
好事今推雪溪守，故開新館集琳琅。

鵲山

一峯孤起勢崔嵬，秀色挾藍入酒盃。
靈藥已從清露得，平湖長泛宿雲回。
翰林明月舟中過，司馬虛亭竹外開。
我亦退公思蠟屐，會看歸路送人來。

華不注山

水經華不注山虎牙桀立孤峰特起以刺天青崖翠發望同點黛輿地志

又云亦名

金輿山

虎牙千仞立巉巉峻拔遙臨濟水南翠嶺嫩嵐晴可掇
金輿陳迹久誰探高標特起青雲近壯士三周戰氣酣
丑父遺忠無處問空餘一掬野泉甘

靈巖寺兼簡重元長老二劉居士

法定禪房臨峭谷辟支靈塔冠層巒軒牕勢聳雲林合
鐘磬聲高爲道盤白鶴已飛泉自湧青龍無迹洞常寒

更聞惠遠相從樂世道罵塵豈可干

和孔仲平

園池方喜共追尋正是槐榆夾路陰
雙燭縱談樽酒潑一枰
消日紙牕深波濤萬字驚人筆
塵土千鍾異俗心佳句從來知寡和
愧將沙礫報一作兼黃金

郡樓

滿眼青山更上樓偶携閒客此間遊
飛花不盡隨風起野水無邊帶雨流
懷舊有情惟社燕忘機相得更沙鷗

黃金馬皆塵土莫新當歡酒百甌

鮑山

雲中一點鮑山青東望能令兩眼明若道人心是矛戟
山中那得叔牙城

鄆州新堂

百尺豐堂汶水濱魯侯清燕此逡巡谿寒素礫偏宜月
壁瑩黃金不受塵引客笙歌行處是賞心花木四時新
未應久作林泉主天子今思舊學臣

垓下

三傑同歸漢道興
拔山餘力爾徒矜
泫然垓下真兒女
不悟當從一范增

離齊州後五首

雲帆十幅順風行
卧聽隨船白浪聲
好在西湖波上月
酒醒還對紙牕明

畫船終日扒沙行
已去齊州一月程
千里相隨是明月
水西亭上一般明

文犀剌剌穿林筍翠靨田田出水荷正是西亭銷暑日
却將離恨寄煙波

將家須向習池遊難放西湖十頃秋從此七橋風與月
夢魂常到木蘭舟

荷氣夜涼生枕席水聲秋醉入簾帷一帆千里空回首
寂寞船牕祇自知

寄齊州同官

西湖一曲舞霓裳勸客花前白玉觴誰對七橋今夜月

有情千里不相忘

庭檜呈蔣穎叔

樛枝高下秀森森
魯寄名卿

一作郎

異俗心草舍一時成

往事松身千尺見
新陰聲清不受笙
竽雜氣勁能遺霰
雪侵漢節從來縱
真賞謝庭蘭玉載
芳音

甘露寺多景樓

欲收嘉景此樓中
徙倚闌干四望通
雲亂水光浮紫翠
天含山氣入青紅
一川鐘唄淮南月
萬里帆檣海外風

老去衣衿塵土在祇將心目羨冥鴻

孫少述示近詩兼仰高致

大句閱篇久擅場一函初得勝琳琅少陵雅健材孤出
彭澤清閒興最長世外麒麟誰可係雲中鴻雁本高翔
白頭多病襄陽守展卷臨風欲自強

金山寺

塵外岩堯驚嶺宮架虛排險出青紅林光巧轉滄波上
海色遙涵白日東夜靜神龍聽呪食秋深蒼鶻起搏風

連荆控蜀長江水盡在回廊顧盼中

水西亭書事

一番雨熟林間杏四面風開水上花
岸盡龍鱗盤翠篠谿深鰲背露晴沙
隴頭刈麥催行饁桑下繰絲急轉車

總是白頭官長事莫嫌麤俗向人誇

按此詩諸本皆缺今依顧松齡從宋

槧校正
本補入

元豐類藁卷七

欽定四庫全書

元豐類藁卷八

宋 曾鞏 撰

雜詩

高郵逢人約襄陽之遊

一川風月高郵夜
玉塵清談畫鷁舟
未把迂疎笑山簡
更須同上習池遊

彭城道中

百步洪聲潦退初白沙新岸湊舟車一時屠釣英雄盡
千載河山戰伐餘楚漢舊歌流俚耳韓彭遺壁冠荒墟
可憐馬上縱橫畧只在邳橋一卷書

送程殿丞還朝

如雲青髮擁朝簪佳譽喧喧動士林自重肯悲三獻玉
不欺常慎四知金芝蘭秀出清門盛鴻鷺翻飛紫殿深
別後齋中掛塵榻更將梁甫向誰吟

送高秘丞

簿書擁處精神健風俗澆時質性淳公退種花常滿縣
政成春雉不驚人指麾細柳通河外歌詠甘棠付漢濱
惆悵不能留自助謾將樽酒駐車輪

康定軍使高秘丞自襄陽司農寺勾業寺丞自
光化相繼遷拜簽判程殿丞受代還朝預有
惜別之意輒書長句奉呈

千里分符漢上城為僚方喜得時英已無楚澤行吟意
更有南陽坐嘯名驥力用來精爽緊鵷行歸去羽翰輕

須知別後狂山簡夢寐清談鄙吝生

雨中王駕部席上

鳩鳴連日始成陰薄雨聊寬望歲心
浴雁野塘新浪細藏鴉宮柳嫩條深
春寒巧放花遲發人老嗟辭酒滿斟
英雋並遊知最幸名園偷暇更追尋

贈張伯常之郢見過因話荆楚故事仍貺佳什
一見心親十載前相望南北久茫然
喜傾白髮論文酒重訪清江下瀨船
志大肯同悲抱璞識高寧許笑求田

已闕品藻傳荆楚更味陽春白雪篇

伯常少留別業寄詩索酒以奉報

未擁雙駟謁漢庭暫留車馬憩林垞多情置驛邀佳客
好事磨鉛勘舊經芳草連門三徑遠朝雲臨幌數峯青
春醪有禁無繇寄誰為江潭訪獨醒

贈黃降自宜城赴官許昌

所學從誰得最完豫章新出已難攀不搖聲利心能定
欲正哇淫手自刪潁水珠璣來席上鄢城桃李任人間

高齋掛榻驪歌後坐守塵編少往還

招擇甫竹亭閒話

偶歸塞馬應何定粒食鷦鷯頗自安雲壓楚山春後雪
風吹襄水坐來寒詩豪已分材難強酒聖還諳量未寬
賴有佳賓堪下榻且將清話對檀欒

和鄭微之

故人容下榻清譙得傳杯地秀偏宜竹天寒未見梅雲
林千嶂出煙艇一帆開且醉休言別歸期信召催

送陳世脩

沙渚鴻飛入楚雲，遠林樵爨宿煙昏。
娟娟野菊經秋澹，漠漠滄江帶雨渾。
歸路賞心應駐節，客亭離思暫開樽。
莫嗟問俗淹翔久，從此頻繁不次恩。

和張伯常自郢中將及敝境先寄長句

拔薤威名高外服，握蘭風力冠中臺。
好音忽有雙魚至，喜氣遙知五馬來。
梨顆玉腴含雨重，菊房金粉傍寒開。
池邊且欲留同醉，思拙難酬白雪才。

和張伯常峴山亭晚起元韻

揮手紅塵意浩然
夙興招客與攀聯
烟雲秀發春前地
草木清含雪後天
已卜畊桑臨富水
暫拋魚鳥去伊川
更追羊杜經行樂
况有風騷是謫仙

峴山亭置酒

石磴縈回入杳冥
松筠高下簇虛亭
春歸野路梅初白
雪盡沙田麥正青
馬窟飛雲臨畫棟
鳳林斜日照疎櫺
長年酒量殊山簡
却上藍輿恨獨醒

韓魏公挽歌詞二首

堂堂風骨氣如春
袞服貂冠社稷臣
天上立談迎白日
握中隨物轉洪鈞
忽騎箕尾精靈遠
長誓山河寵數新
萬里耕桑無一事
三朝功德在生民

錙銖赤舄無驕志
咳唾黃金有古風
履冒荒遐知大度
委蛇艱急見孤忠
謀猷魏丹青力擁
立昭宣柱石功
御筆新詩在新隴
哀榮誰得似初終

訓吳仲庶龍圖歲春感懷

瑣闥延閣腹心臣籍甚聲華動縉紳藥石言行天下雨
袴襦恩達國中春召公去後餘恩在綸氏歸來壯志新
莫為流年嗟白髮濟時須仗老成人

陳君式恭軒

不要牆頭俗眼看故開蒼蘚種檀欒虛心得處從天性
勁節知來在歲寒葉養風煙誇酒美枝留冰雪送歌殘
名郎感慕同桑梓手植依然一畝寬

贈正倚大師庵居

蘭槭方袍振錫回結茅蕭寺遠塵埃五峯日破朝雲出
三谷花浮澗水來風散異香禪榻靜鳥闌清唄法筵開
因過舊國枌榆地松塵高談喜暫陪

以白山茶寄吳仲庶見貺佳篇依韻和訓

山茶純白是天真筠籠封題摘尚新秀色未饒三谷雪
清香先得五峯春瓊花散漫情終蕩玉蕊蕭條跡更塵
遠寄一枝隨驛使欲分芳種更無因

初惟此花與揚州
后土廟瓊花天下

一枝近年瓊花可接遂
散漫而此花為獨出也

訓江西運使蔣穎叔

收科同日曳華裾
耒耨劃驚聞
必有餘驄馬已騰雙闕路
木牛還實太倉儲
多岐易感千名別
置袖空榮一紙書
欲佩左符甌越去
更從南斗望單車

刁景純挽歌詞二章

史觀郎闡得謝歸
桓桓筋力未全衰
園林笑傲笙歌擁
山水追尋几杖隨
尺牘百封虛有意
文章十帙更傳誰
餘花自出藏春塢
一點青燈照總帷

陳遵善書與人尺牘莫不藏以為榮

又云遵日作書數百封親疎各有意義白樂天無子其詩云文章十帙官三品身後傳誰與廕誰景純善作書亦無子故云藏春塢景純自名其所居也

八十登高步更輕殷勤愛客是平生能臨緩急敦風誼
不向炎涼逐世情北岳雲烟思抗志東門冠蓋羨遺榮
可憐昨日壺觴地嗚咽唯聞薤露聲

寄留友代元子發

青雲寶構雖同直白髮魚符各未歸倚玉詎應公論許
續貂還恐邑人非莫辭海畔留連久須惜天涯故舊稀

預想明年雙節召九霄鵬翼看橫飛

遊東山示客

虞寄庵餘蘚徑通滿山臺殿出青紅難逢堆案文書少
偶見凭欄笑語同梅粉巧含溪上雪柳黃微破日邊風
從今準擬頻行樂日伴樽前白髮翁

大乘寺

行春門外是東山籃輦寧辭數往還溪上鹿隨人去遠
洞中花照水長閒樓臺勢出塵埃外鐘磬聲來縹緲間

自笑簷官偷暇日暫携妻子一開顏

聖泉寺

笑問并兒一舉鞭亦逢佳景暫留連
清冥日抱山腰閣碧野雲含石眼泉
躡屐路通林北寺落帆門繫海東船
聞王舊事今何在惟有前村供佛田

昇山靈巖寺

脩竹長松十里陰任教燒藥洞門深
獨闕金版驚人語能到青霞出世心
雞犬亦隨雲外去蓬瀛何必海中尋

丹樓碧閣唐朝寺鐘唄香花滿舊林

鳳池寺

經年聞說鳳池山蠟屐方偷半日閒
笑語客隨朱閣上醉醒身在白雲間
溪橋野水清猶急海岸輕寒去却還
為郡天涯亦瀟洒莫嗟流落鬢毛斑

上元

金鞍馳騁屬兒曹夜半喧闐意氣豪
明月滿街流水遠華燈入望衆星高
風吹玉漏穿花急人近朱闌送目勞

自笑無心逐年少祇尋前事撚霜毛

元沙院

昇山南下一峯高上盡層軒未厭勞際海煙雲常慘淡
大寒松竹更蕭騷經臺日永銷香篆談席風生落塵毛
我亦有心從自得瑠璃瓶水照秋毫

酬柳國博

行止恂恂衆所褒東南佳譽映時髦洞無畦畛心常坦
凜若氷霜節最高朱紱少留居客左白頭難敵是詩豪

須知別後山城寺，悵望歸艎送目勞。

閏正月十一日呂殿丞寄新茶

新最早者生處地向陽也

偏得朝陽借力催，千金一跨過溪來。
曾坑貢後春猶早，海上先嘗第一杯。

旬休日過仁王寺

雜花飛盡綠陰成，處處黃鸝百轉聲。
隨分笙歌與樽酒，且偷閒日試閒行。

亂山

亂山深處轉山多此地棲身奈遠何莫問吾親在何處

舉頭東岸是新羅

福州際海東海即新羅諸國
圖經亦云長溪與外國接界

親舊書報京師盛聞治聲

自知孤宦無材術誰道京師有政聲
默坐海邊何計是白頭親在鳳凰城

寄獻新茶

種處地靈偏得日摘時春早未聞雷
京師萬里爭先到應得慈親手自開

方推官寄新茶

採摘東溪最上春
壑源諸葉品尤新
龍團貢罷爭先得
肯寄天涯主諾人

嘗新茶

丁晉公北苑新茶詩序云
茶芽採時如撻麥之大者

麥粒收來品絕倫
葵花製出樣爭新
一杯永日醒雙眼
草木英華信有神

厚卿子中使高麗

並使時推出衆材
異方迎拜六城開
宣風直到東西部

仗節遙臨大小梅
滄海路從三島去
玉山人待二星回
黃金白氎饒君用
銅器應餘寄我來

出郊

葛葉催畊二月時
斜橋曲岸馬行遲
家家賣酒清明近
紅白花開一兩枝

蹇礪翁寄新茶二首

龍焙嘗茶第一人
最憐溪岸兩旗新
肯分方跨醒衰思
應恐慵眠過一春

貢時天上雙龍去
鬪處人間一水爭
分得餘甘慰憔悴
碾嘗終夜骨毛清

城南二首

雨過橫塘水滿堤
亂山高下路東西
一番桃李花開盡
惟有青青草色齊

水滿橫塘雨過時
一番紅影雜花飛
送春無限情惆悵
身在天涯未得歸

寒食

一麾飄泊在天涯
寒食園林不見花
唯有市亭酤酒客
俚歌聲到日西斜

夜出過利涉門

紅紗籠竹過斜橋
複觀翬飛入斗杓
人在畫船猶未睡
滿堤明月一溪潮

夜出城南禱雨

海天重疊四山雲
半出星辰亦半昏
上得籃輦是中夜
兩街燈照九重門

西樓

海浪如雲去却回
北風吹起數聲雷
朱樓四面鉤疎箔
卧看千山急雨來

荔枝四首

剖見隋珠醉眼開
丹砂緣手落塵埃
誰能有力如黃犢
摘盡繁星始下來

玉潤冰清不受塵
仙衣裁翦絳紗新
千門萬戶誰曾得
只有昭陽第一人

絳縠囊收白露團未曾封植向長安
昭陽殿裏才聞得已道佳人不奈寒

金釵雙捧玉纖纖星宿光芒動寶奩
解笑詩人誇博物

祇知紅顆味酸甜

白樂天詠荔枝詩云津液甘酸如醴酪杜工部詩云紅顆酸甜祇自知此

皆巴蜀荔枝而已不知閩越荔枝酸也

王虞部惠佳篇叙述昔與湘潭亡弟遊從仍以
亡弟舊作見示

薄宦紅塵常拂面
早衰黃髮已盈顛
棲華零落曾誰語

鴻羽蕭條祇自憐已矣空聞懷舊賦
泫然猶獲濟江篇
慇懃愛我如君少更悟之他友最賢

北歸三首

召判
太常

終日思歸今日歸著鞭鞭馬尚嫌遲
曲臺殿裏官雖冷
須勝天涯海角時

拜捧恩書喜滿顏馬蹄遙望斗杓還
從今步步行平地
出得千山與萬山

江海多年似轉蓬白頭歸拜未央宮
堵牆學士驚相問

何處塵埃瘦老翁

和酬孫少述

自信簞瓢樂寧羞猿鶴驚
論高知峻節交淡見純誠
自昔心無間相逢眼更明
何當薦有道坐想軟輪迎

和孫少述侯職方同燕席

兩翁頭白喜追陪
好事鈴齋燕席開
臘在未消盈尺雪
春歸先放一枝梅
况無庭下書投詬
更盡筵中酒滿杯
周召二南皆絕唱
抑揚賡和愧非材

寄趙宮保

銅扉得謝從今日
玉鉉辭榮已十年
素節讜言留簡冊
高情清興入林泉
海邊愛日疲人戀
劔外仁風故老傳
門外最應瀟洒客
喜公平地作神仙

和訓趙宮保致政言懷二首

讜論危言望素隆
獨於聲利性偏慵
龍樓調護官雖寵
鳩杖躋攀興已濃
不變松篁心轉勁
無邊江海量兼容
磻溪從老寧閒得
會為蒼生起更重

愛國憂民有古風
米鹽親省尚嫌慵
衮衣天上歸何晚
霖雨人間望正濃
三少官儀雖赫赫
五湖心事肯容容
角巾藜杖經行處
知在雲山第幾重

和趙宮保別杭州

紉鼓留公豈是催

公詩云湖過
漁船疊鼓催

湖山得意且徘徊
更應

准擬須乘興
范蠡扁舟去却來

過靈壁張氏園三首

梨棗纍纍正熟時
粟田鵝兔亦爭肥
園亭盡日追尋遍

只欠厭厭醉始歸

汴水容容帶雨流
黃花艷艷亦迎秋
看花引水園林主
應笑行人易白頭

秣地成來多釀酒
杏林熟後亦留錢
不須置驛迎賓客
直到門前繫畫船

雪亳州

欲下蒼涼日全低
黯靄天飄颻投夜急
瑣碎得風儼穢
壤彌縫偏枯
荻點綴妍繁
英飛面旋艷
舞起翩跹已壓

穿林竹還冰落澗泉抵巇輕自肆乘隙巧爭先壅隔書
郵斷侵凌客履穿恐傾貧巷屋覺重汴溪船惜有顏空
姣洵無質可鐫包藏兼海岳蒙蔽匝乾坤枚叟招何晚
袁安卧正堅會須逢見覲萬里豁晴川

送元厚之資政致仕歸蘇

笑指家園是五湖畫船東下載圖書收功玉鉉丹青後
得老銅樓羽翼初醒醉放懷從野服登臨乘興屬安車
一作與公既謝事即田都門飲餞光華盛不獨當年有
野服安輿優游從適

二疏

壽聖院昌山主靜軒

一峯蕭洒背城陰
碧瓦新堂地布金
花落禪衣松砌冷
日臨經帙紙牕深
幽棲鳥得林中樂
燕坐人存世外心
應似白蓮香火社
不妨藍輦客追尋

鶴林寺

李涉所謂因過竹院逢僧話
又得浮生半日閒即此寺也

昔人春盡強登山
只肯逢僧半日閒
何似一尊乘興去
醉中騎馬月中還

送關彥遠赴河北

子明高誼衆人知，苗裔清材世所推。
詩作士林誇刻燭，賦成天路喜同時。
豈當白首淹風力，自合青雲縱羽儀。
北部經營應不久，玉階朝夕是歸期。

正月十一日迎駕呈諸同舍

錦袍周衛一番新，警蹕朝嚴下紫宸。
俗眼望來猶眩日，天顏回處自生春。
行齊鵷鷺常隨仗，步穩驂騑不起塵。
歸路青雲宣鼓吹，樂遊從此屬都人。

是時上服慈聖光
獻皇后三年喪畢

始聽樂及
許然燈

和御製上元觀燈

翠幃霓旌夾露臺夜涼宮扇月中開
龍銜燭抱金門出

鰲負山趨玉座來
碣極戲添夷客喜

漢饗四夷之客
作海中之戲
栢

梁篇較從臣材共知
天意同民樂願奏君王萬壽杯

和史館相公上元觀燈

九衢僊仗豫遊歸
寶燭星繁換夕暉
傳醖未斜清禁月
散花還拂侍臣衣
天香暗度金虬煖
宮扇雙開彩鳳飛

法曲世人聽未足却迎朱輦下端闈

集賢院春燕呈諸同舍

御爐風細麝煙浮法樂聲和酒味柔冠劍九重霄漢路
鶯花三月帝王州重廊四合盤龍幕當殿雙高彩鳳樓
歸去人人誇雨露總含歡意躍驂駟

上巳日瑞聖園錫燕呈諸同舍

北上郊園一據鞭華林清集綴儒冠方塘滄滄春先綠
密竹娟娟午更寒流渚酒浮金鑿落照庭花並玉闌干

君恩倍覺丘山重
長日從容笑語懽

池上卽席送况之赴宣城

池上紅深綠淺時
春風蕩漾水逶迤
南州鼓舞歸慈惠
東觀壺觴惜別離
遠岫煙雲供醉眼
雙溪魚鳥付新詩
陵陽豈是遲留地
赴駕追鋒自有期

寄題饒君茂才葆光菴

適意藜羹與布裘
結廬人境地還幽
清談汝水孤猿夜
爽氣麻源一葉秋
應有風騷歸健筆
可無尊酒付扁舟

因君更起家園興夢寐思從几杖遊

朝退即事呈大尹正仲龍圖

六街塵斷早涼生細葛含風體更輕官府吏閒時樂易
市廛人喜政和平揮金蔌蔌宮槐蕊鳴玉淙淙御水聲
觀闕漸迎初日上馬頭還傍綠陰行

桃花源

來時秋不見桃花空樹寒泉瀉石涯爭得時人見鸞鳳
不教身去憶烟霞

元豐類藁卷八